

EXTRACTO DA CONVOCATORIA

Asunto: Convocatoria do VIII Concurso Fotográfico: “Estampas de Paz e Acougo” e aprobación das Bases Reguladoras do mesmo.

Primeiro. Requisitos para concursar no VIII Concurso Fotográfico: “Estampas de Paz e Acougo”.

Poderá participar no concurso calquera persoa maior de idade que o desexe.

Segundo. Bases reguladoras

As bases xerais reguladoras dos aspectos técnicos da convocatoria do VIII concurso fotográfico: “Estampas de Paz e Acougo” foron aprobadas por decreto da Alcaldía número 9296/2022 do día 23/09/2022.

Terceiro. Premios.

Establécense, con cargo á aplicación orzamentaria 16400.48101.RC 202200007981 do vixente orzamento, os seguintes premios:

Primeiro premio, dotado de 600 euros.

Segundo premio, dotado de 400 euros.

Terceiro premio, dotado de 200 euros.

Aos indicados importes practicaráselles a retención que proceda segundo a normativa legal vixente.

A entrega de premios realizarase no lugar e data que publicamente se indique.

Cuarto. Criterios de valoración.

1-Técnica . Valorarase a maestría no uso da técnica fotográfica (exposición, uso do diafragma, velocidade, sensibilidade, profundidade de campo, etc.)

2 Composición. Valorarase a composición da obra, puntos de atención, reparto dos pesos visuais e visión de conxunto.

3 Mensaxe. Dentro da temática á que se circunscribe a presente convocatoria, acada un valor importante a mensaxe captada coa cámara relacionada coa carga emocional, así como a súa relación coa especial visión da morte nos cemiterios rurais.

4 Habilidade. Valorarase neste epígrafe as especiais habilidades, coñecementos ou aptitudes investidos para a captación da imaxe.

CRITERIOS VALORACION	PUNTOS
1- Técnica.	de 1 a 10
2- Composición.	de 1 a 10
3- Mensaxe.	de 1 a 20
4- Habilidade.	de 1 a 10
Total puntos.	50 puntos

Quinto. Temática, Forma e prazo de presentación das obras.

Prazo de inscrición

Desde o 18 de outubro ao 3 de novembro.

Temática.

Dentro do arte funerario, na súa máis ampla expresión, a temática versará sobre a simboloxía das construcións funerarias e do patrimonio inmaterial que incorporan

ATENCION CIDADA

ARH/cnv

Refª: Extracto bases concurso fotografia_gal cn

Asunto:

relacionadas coa carga emocional que transmiten, así como a especial visión da morte nos cemiterios rurais.

Nesta ocasión circunscríbese ao ámbito xeográfico do Concello de Lugo, abrangendo tanto o Cemiterio Municipal de San Froilán como os cemiterios parroquiais existentes.

Obras.

- Cada participante poderá presentar un máximo de tres fotografías inéditas e orixinais para este evento, non podendo estar publicadas en calquera medio con anterioridade á data de convocatoria.
- Cada fotografía achegarase impresa en soporte ríxido (cartón pluma ou similar) en formato 30x40 cm ou superficie equivalente aproximadamente. Cada fotografía irá acompañada do seu arquivo dixital.
- A persoa concursante indicará o título que decida darlle a cada fotografía ou dun texto para incluír nun posible catálogo ou recopilatorio, no seu caso (máximo de 20 palabras en galego).
- As fotografías poderán ser en cor ou branco e negro.
- As obras que se presenten ao concurso irán acompañadas ademais dun arquivo dixital da fachada do cemiterio do que procedan, indicando a súa denominación e localización.

Presentación.

- Os traballos presentaranse nas oficinas da Sección de cemiterio ubicadas no Centro de Servizos municipais, ou por correo certificado, ata as 14 horas do día 3 de novembro.
- No caso de que se presenten por correo certificado, deberase remitir, dentro do prazo indicado, un xustificante desta presentación, por fax (982 297 108) ou correo electrónico (cemiterio@lugo.gal)
- Irán nun único sobre dirixido ao Negociado de cemiterio coa seguinte indicación: VIII Concurso Fotográfico Cemiterio de San Froilán “Estampas de Paz e Acougo” e un seudónimo co que se inscribirá nunha relación numerada de obras que se presentan para o concurso.
- O sobre conterá outros dous sobres pechados: O sobre A coas obras que se presentan a concurso, en formato papel e dixital segundo o especificado na base 4; e o sobre B que conterá os datos do concursante: nome e apelidos, número de documento de identidade, enderezo, teléfono de contacto e correo electrónico.